

四庫全書

集部

欽定四庫全書

石倉歷代詩選卷三百五十五

明 曹學佺 編

明詩初集七十五

林誌

字尚默
三山人

題鄭驄馬小景

素練瀉碧落初日開華容朝迴忽矯首如對香爐峰鏡
覽心以化天遊趣應同恍然宴坐頃白簡遙生風習靜

窺道妙頤神混鴻濛何時離名跡追躡煙霞蹤

烏臺春曉為項御史賦

白簡草奏歇清風讌坐時庭烏曉還集府栢春仍滋候
吏已休沐青驄獨歸遲時清事應簡道在情自怡慨彼
鷹隼擊懷哉鸞鳳儀流輝諒茲始初日明前墀

挽貞義黃處士

長嘯宇宙濶恍然大夢中誰為不死者倒影凌青空達
生竟何以即此全其冲一坏返丘首清芬映無窮我懷

軒丘叟至今見遺蹤千金摠不惜環堵惟自容高情謝
塵俗雅道超鴻濛支頤忽蛻去逝水何時東寂寞松下
士千秋宿草封生芻莫不及灑淚來悲風

夢桂軒

鬼魄晃璇宇天香生桂林
枯膏倦午夜假寐青雲岑
恍值素霓侶塞芳共幽尋
笑贈一枝秋紛葩燦黃金
殷勤啟仙錄慰以瑤華音
驚覺落塵寰靈標瑩重襟
以茲稽古力獲契登龍心
得意捧泥書蜚音重璆琳
神柳變褐

衣夢松感貂簪名堂以燕翼知爾貽謀深

居竹

蕭瑟玕琪圃參差瑜瑾林羨君高隱處愛竹逾南金
肉食詎知旨聞韶諧至音神交數竿綠富埒渭川潯
晴翠瑩素帙涼聲韻瑤琴况茲冰玉好抗俗在虛心

題陳簡討凌雲樓

碧落渺無際空濛灝氣浮愛茲青雲近日夕接高樓
胃慢藹朝旭棲簷連素秋平臨飛鳥道俯映滄溟流
霰霰

豁軒牖吾伊散林丘飄然與世隔恍爾齊天遊嘯月折
仙桂彈冠步瀛洲徘徊蓬島上却憶鄉山陬觸石起膚
寸因風重淹留清時捧資日五采絢宸旒

秋夜病中口占寄黃大十兄

不過靜齋久夏徂秋復新夜來東林月如見齋中人逸
思澹碧漢高懷藹春雲耽詩竟成癖愛客寧辭貧蚤識居
岐子聲光動儒紳謂予不羈者睠愛情尤真竭來抱餘瘵
虛窗卧清塵衣冠日相問骨肉誰其親念爾手足愛慰予

丘山珍如何鴻雁夕涼風起青蘋不灑兒女淚悲來亦盈
巾安得上池水飲以刀圭神沈疴自茲脫長笑飛崑崙

題林司訓畫山水圖

紫芹池雨香白雪琴心瑩石上尋片雲西山得微逕松
門天路虛花雨金潭映落葉飛盡涼垂蘿結秋暝黃緣
遠公社寄適陶潛詠三生了羣迷一寂喻澄鏡誰云吾
喪我應悟慧生定竭來溜塵蹤悵阻青鞋興披圖逸思
飄蒼茫海空迥

又

粉署見晴翠雲泉記昔遊青山隨短策綠水明雙眸前
路落花深春風巖洞幽問奇恣所適載酒紓其憂懷哉
素心人情因靈境投縈迴趣已涉寂歷倦還休却笑荷
篠徒放言慙大猷巢松如可學名遂迺身謀

尚書庫部主事周君宗武得盛子昭二圖屬余
題詠

積水深不極扁舟信垂綸遙峰碧霽日遠樹清瑩神潭

影天鏡夕花香島雲春沿洄智者樂魚鳥同光塵鼓柁
情以紓直鉤意彌深濠梁既自適川上寧迷津已達星
漢槎仍攀滄海鱗披圖結遐想浩蕩煙波新

送陳十二煒赴選北上

別思無遠近蒼茫與秋長都門木葉下念子朝嚴裝何
以駐征驂愁來倒離觴劃然憶聚散風絮相飄揚世好
托松蘿交深韻宮商十年芹泮水風雨幾連床揭來客
兩京歡娛歷星霜情傾薄蒼漢氣合和春陽愧我蒲柳

姿襲君蘭蕙芳卧疴重愴別倏矣摧肝腸暫輟兒女仁
桑弧在四方金臺九天上矯首孤鸞翔期君陟清要蚤
沐恩波光

文會軒

曖曖停雲夕湛湛嘉樹陰款門無俗吏燕坐皆華簪媚
此水成文愛茲風滿林絃歌猗蘭意賡唱瑤華音空谷
縻白駒函丈羅青衿永諧金石好持以歲寒心

題周選部山水圖

披圖紫薇署挂笏青山曉蓬瀛望超忽樓閣訝縹渺天
鏡一棹浮雲屏數峰繞滄洲官無際赤縣坐來小憑虛
恍天遊翫化已心了懷哉安期生汗漫扶桑表

丁未有事于園丘予同王曾二大學士錢李二
侍讀陳侍講六人齋宿春坊朝房分韻得傍
字

齋沐晤良宵虛明散紛鞅詩書混髣几星斗垂珠網卧
疴諧道心觀復了塵妄風鈴寂寂警霜漏徹清響忽聆

玉塵談宵爾紫霞想起撥寒爐灰燃燈笑相傍

夏谷幽亭

絕壑想長夏幽亭瞰層崖毫端水石妙鏡底風泉來密
暝結幄徑霽影清氛埃抗志匪嘉遯投閒暫遲回靜言
仁智樂默契心神開暢以陶令絃蕪之阮生杯遺榮詎
所尚繕性乃予諧

蘿逕吟筇

一雨鏡天夕亂藤潭影秋青山引飛杖霽景醒吟眸挂

斷落葉深行吟三逕幽石橋流水際欲返還淹留懸榻
知余心故人待滄洲商歌有真意予以詠歸休

菊莊

別構依南山投閒忽成趣白露朝欲晞黃花滿籬戶食
英慨前修采之恐遲暮頽齡如可延飲水寧復顧苦無
三逕資倦此歸來賦清風尚未遐其以高山慕

彭將軍園亭讌集分韻得綠字

微雨散煩燠踈篁淨新綠南園步成趣野草怡心目良

晤當宴閒澄懷謝羈束醪香潤雜蘭鱸縷纖飛玉簷雲
落甲衣歌鳥移絲竹慷慨異新亭譴浪殊金谷達生返
真素知足無殆辱願言及芳辰榮名以為勗

衣綉乘驄

藹藹花間道濛濛柳外堤雕鞍聯葆葢歌管駐金羈倏
如風雨至空衢走塵泥借問避者誰東來驄馬嘶馬上
綉衣使青年氣如蜨春日荷載陽百卉榮枯蕘無俾使
君歸桃李方成蹊

鴛鴦晴雲

石筍削金鴛鴦浮空浴天鏡
晴日澹朝暉孤雲相掩映
翳谷花欲冥穿崖鳥棲定
流彩向君庭蓬萊九霄迥

籌嶺朝陽

三峯屹東起初日見扶桑
氤氲散五彩虛室生晴光
晞髮人不見空餘照寒岡
流輝在蓬島雙鳳碧梧香

樓前煙隴

昔人樓何許前山留其名
煙霏散曉暝隴陌迴春晴
桑

柘翠濤合禾麻綠藹生清謳擊壤世鼎食况沾榮

松亭秋月

明月出滄海長空澹素秋愛君松亭上秉燭駐芳遊孤
舟袁尚渚尊酒元規樓何如連枝會玉宇共承休

送重慶彭教授

謾唱陽關別寧辭蜀道難專城新教鐸百里舊儒官山
入烏蠻曙江臨白帝寒馮公遺直在清響屬揮彈

送江亞尹之太平

郎官應出宰佐邑豈辭卑天錫新恩寵人瞻舊羽儀敬
亭看曖曖平楚望參差公暇栽松處清風日與期

送隱士黃聲玉

雙井秋陰合蓬門石逕斜殘陽吹過鳥疎雨落閒花山
帶垂青幔窗螢照碧紗不知林下客幾度醉煙霞

天坡秀氣

冥攀絕頂遙俛視羣峯小彩翠望不窮懷人赤城竈

龍陂桃浪

夜涼散雨聲曉霽澄天鏡春香送落花誰道仙源迥

題楊學士白鶴山房

白鶴去不返悵望青山空茲峰自神異佳氣時蔥蔥巨
靈擘穴移星斗帝遣六丁嚴衛守石脉春迴雲母凝泉
流香暖玻瓈剖佳城鬱鬱開其陽君家種德源何長千
金有地竟不惜萬木垂仁豈解忘賢孫蚤負青雲器嘗
構山房倚空翠朝攀隴樹五粒枝夜讀函經幾千字踈
林長夏含蕭森風動窗松四壁陰浮雲偏護花間屐流

水遙清澗底琴拂衣笑為蒼生起移孝為忠固如此草
詔金鑾聖眷隆攄謨帷幄天心喜賜歸蓮炬玉堂深閭
闔宮堯北斗臨蓼莪已抱終天恨葵藿惟傾向日心披
圖却憶南山下蘿月蒼蒼嶺猿夜萬壑秋聲入夢多半
簾燈影孤吟罷回望新阡宿草滋悠悠霜露更淒其馬
封愁絕千年閉鳳詔欣驚五彩垂種壁牛眠安在哉惟
忠惟孝實栽培題名今見瀧岡表雙鶴爭看日往來

橋門別意圖送梁以康上舍

壁水瑩寒波殘光掛霜月驪歌已在門趣裝候晨發歸
心迢遞向樵川東笑揚帆意豁然日下綵衣辭禁闕江
頭晴雪醉離筵慈親白髮睽違久此去登堂問安否華
黍笙歌眉壽章屠蘇盃酌新年酒堂上春風笑語喧訊
兒燈火幾寒溫錦囊詩句憐心苦絳帳家聲喜業存以
茲却負青雲器擬把箕裘致身貴捧檄方知毛掾賢承
顏詎識歐生志蚤晚司成待薦書交遊復此嘆離居丹
青遙贈橋門別期爾西還早秣車

安陸黃將軍讀書好文靜樂溪山而得其趣余
友文學掾鄭公望嚮在安陸時時與遊泊來
北京為繪此圖要余賦之余觀杜工部時交
何將軍嘗為賦山林十律詩辭極意到至欲
賣書結茅卜隣終身世蓋有其樂也古今人
豈相異哉余故為短歌行一章俾欲知鄭黃
與處之懿者於此考焉

將軍能武復能文靜愛溪山絕垢氛琴邊泉響漱碧玉

衣上巖飛生片雲，鑪峰鹿湖望超忽。興來但覺神飛越，東渺滄溟數點螺。西近蛾眉半輪月，有時忽得意款段。出巖城松門猿磴興未極，刺船復繞滄洲行。萬壑富詩境，千巖供畫屏。胡麻山果長充具，鮮鯽香芹總可羹。金魚換酒恣傾倒，妙舞纖歌匪吾好。山雨留賓尊不空，石床展席苔如掃。廣文博士今杜陵，文園多病慙攀登。愛即東家日來往，況有消愁酒似澠。談玄羅逕秋共榻，摘句鳬渚夜張燈。英雄好士有如此，詩酒於已知何能。丹

青殷勤寫高誼咫尺妙盡煙波意別後披圖逸思飄相逢却恨馬蹄遥

次羅宗讓見寄韻以答

故人別構離塵境花竹林塘亂窗影書暇尊開桂席涼
琴邊鶴唳荷衣冷交誼應憐我與君士林誰不挹清芬
神奇共摘澄江句浩蕩同披太古文浮雲倏忽東西去
余躡青霄爾玄霧聚首寧無意氣投知心誰識平生語
題絨寄我手自開懷人忽憶登吹臺羈離祇道今猶昔

膠漆空談陳與雷
思君不寐抵清曉
月上高樓數星皎
賦罷停雲獨倚樓
目斷螺峯天外小

送林參議之廣東

紫薇粉署送仙郎
千里傳宣渙汗香
天上欲教均雨露
海壖應得識鸞凰
蕉花爽氣凝秋暝
柳葉清陰變夏涼
遙想鳴琴多暇日
寸心還繞九霄長

奧如亭

南亭勝槩舊栖遲
三徑陰陰葛蔓垂
天籟每生虛谷聽

野心長與白雲期
煙霞息影深成癖
水月通玄靜更宜
別後玉堂清夢裏
閒情還似故山時

寄穆生景脩

蹉跎原是漢諸生
載筆今來客兩京
故國青山空積夢
舊遊白社總關情
雲邊樹木陰晴色
天際河流日夜聲
一片離心同落葉
何由飄到粵王城

和黃典籍早秋感懷

門掩高梧近御溝
西山長對此心幽
宦情況值黃花晚

客思偏驚白鴈秋
咫尺月明千里隔
一丘雲卧幾時休
詞垣青眼如君少
遙寄新詩愧莫酬

送江贊府之官太平

江南文獻擅家聲
儒雅今來見魯生
百里封侯新佐治
幾年郎署舊沾榮
江開一鏡迎仙棹
橋落雙虹跨縣城
却憶玄暉多藻句
令人送別有餘情

挽劉侍郎季麓

浮雲富貴百篇詩
銀漢清冷曉映池
長嘆浮丘春夢覺

何堪藏壑夜舟移升沈總付龍盤鏡事業空垂馬鬣碑
欲繡平原那可作黃金不用買新絲

送建寧府副綱還開元

滄洲何處是神山支遁幽棲景象寬海日龍宮三島近
松濤溪雨半空寒不辭錫杖清遊遠為際人天勝會難
此日承恩遙返鳥懸知雲鶴候林巒

寄羅宗讓

十載驅馳向兩京蹉跎衰病竟何成青雲高興思前日

黃卷孤心愧後生
羨爾文雄能獨步
豁予交好更多情
尺書欲寄題頻懶
目斷江鴻天外橫

題張御史山水圖

宦遊山水總關情
却憶丹霞是故城
雲母流香春島霽
芙蓉削翠晚峯晴
書窗海色看雲起
琴逕桐華愛月明
幾度披圖結遙想
烏臺霜曉賦初成

寄侄達望

阿買今稱五馬良
弱齡揮翰藻凝香
三奇何處尋珠樹

幾夜含情夢草堂
汝健步須凌汗漫
吾衰心已半滄浪
霜天角裏梅吹盡
片片遙飛別思長

鳧山別業

九華勝處是鳧山
山下林扉日不關
岐路緇塵春夢遠
石田芝草晚心閒
孤琴曾取花前醉
雙屐應從竹外還
玉署故人無限意
丹青遙寄翠微間

題龍江佳趣

江上薰風晝倚欄
歸心江漲共漫漫
雲邊濕草三山暝

雨外飛濤六月寒，錦纜牙檣驚鷺起。
朱簾綉戶映花看，相逢琥珀千鍾醉。
誰論華簪與鵷冠。

羅氏叔侄三人同赴春闈，宗本中進士榮歸阮子繹，出分教肇慶，紋留太學，予賦此以送之。
蕪懷其兄宗讓兄弟昆季交游之情畧見焉。

金臺柳綠識春歸，三月猶寒未換衣。
欲醉離顏輕魯酒，強攜愁賦向斜暉。
元方相憶懸銀漢，阿阮孤棲寄虎闥。
別後月明池上草，懷君雙玉照人輝。

玉堂退食兀坐飽居屬羅從思肇慶之行過予
告別有懷楊廣文九齡先生口占奉寄情悉

于辭

京華載筆喜逢春每見鶯花憶故人
滄海宦情孤鶴遠青氈詩興數篇新
隨羣飽落慙明世抱病踈慵笑此身
莫道煙波滯雙鯉龍門咫尺是通津

白鴈

金河堤上羽毛分潔白應同鷗鷺羣
橫度晚空雲點點

瑩涵曙月雪紛紛影從秋水沙頭沒聲向寒蘆花外聞
漢曲徒知異朱鴈那能傳札報明君

和黃檢討夏日即事

涵江雲岫逗清暉久客應懷舊掩扉靜愛林僧留夜坐
醉邀詞客惜春歸文園卧病才偏藻魏闕多情夢豈稀
予亦支離同痼疾愁隨落葉向秋飛

四明蔣端公陞湖廣僉憲過余告別余卧病不
能走餞口占以送

遥辭鳳闕五雲端南郡分臺屬
冠楓樹到淮秋葉早
江流入楚暮潮寒十年府署封章在
千里湖山攬轡看
卧病思君無那別都門惆悵思漫漫

後灣渡

清溪源發古靈山小渡縈迴出後灣
竹徑暗通流水入
柴門常對落花關清時利涉居人少
白日空橫野艇閒
記得舊遊曾買棹一篙春雨逐鷗還

安德泉

日照飛流掛晚空，匡廬瀑布宛相同。
輕煙暝處看將斷，落木寒邊聽不窮。
一派初如澄練合，千尋直與大溪通。
期君駐馬相攜翰，莫羨銀河賦獨工。

宿延平城下

東南形勝據襟喉，雄郡峒嵒峙上流。
遠火人家臨水夕，寒潭夜氣逼人秋。
雲流片月過山閣，風帶殘更出戍樓。
此地由來多勝覽，謾將詞賦寫清遊。

別百戶朱克成

霄漢年來寄此身承恩却許暫歸閩論詩最喜逢知己
對酒那堪別故人柳拂山城經暮雨花飛驛路值殘春
舊遊別後鰲峯月兩地相思夜夜心

題畫山水

翠壁紅泉碧草晴看春載酒絕人行草玄應有棲遲客
鹿卧衡門畫不驚

畫菊為周編修賦

采采金英白露團西風冷動一枝寒宦遊無復芳菲夢

笑挹秋香畫裏看

題畫扇寄言若表弟

萬斛雄文載短舟當年赤壁賦清遊丹崖不盡懷人想
白露空江寫斷秋

山麓晴霞

鳳鰲深處列仙家巖雨新晴散曉霞二十年前晞髮夢
蒼蒼還繞綠蘿花

龍津春水

何年神劍逐龍飛
流水仙源去路微
却憶扁舟乘醉泛
桃花吹雨滿春衣

題羅汝文畫山水

十里雲屏枕黛流
史溪山水憶曾遊
煙霞謾寄滄洲趣
萬壑春聲入棹謳

寄心印上人

北遊杖錫喜雙飛
在世諸天諦日輝
近學孤雲慵出岫
曇花香雨滿春衣

夜泊小弱舟中

夢醒南風溪上舟
草香月色帶溪流
清臞不耐吟
鬼怯
誤記空簾半夜秋

石倉歷代詩選卷三百五十五

欽定四庫全書

石倉歷代詩選卷三百五十六

明 曹學佺 編

明詩初集七十六

羅泰

字宗讓
三山人

洪僉憲山水

昔聞李太白讀書匡廬峯林卧諧清適仙遊躡高蹤有
時誦聲歇野服披蒙茸虹橋緩孤影巖雲遠相從白蜺

落銀漢瀉破青芙蓉幽情翫物化雅趣超鴻濛岡巖起
麟鳳淵潭躍蛟龍蒼生既有託謝屐莓苔封

白菜

澹薄不易守遂乃從甘肥達人尚清節所志將有為幽軒面
場圃種溉青離離鋤金豈肯顧抱甕息凡機何由適素願雨
暘恒及時條風曉初度零露夕還滋奕葉翠綃剪白莖練
帶垂盤殮日供具庶以無饑饉咬根有真味寧為繁膾欺

挽湯廣文父

淒風吉水寒海色日光薄中天殞少微倏忽驚摧落臨
文悼若翁允哉古先覺志尹獨盤桓希顏甘自樂照乘
懷魏珠連城隱荆璞至寶旣弗售何以事琬琰流輝媚
川淵種德高嵩嶽趨庭有賢嗣大振芹宮鐸於焉敬亭
峯肆情在丘壑興盡賦歸歟故園景猶昨拂衣竟長往
遠弔遼城鶴山頽梁木壞斯道安所托穹碑太史銘哀
章俱館閣俛首企高蹤蘿月生虛幙石室夜迢迢佳城
雲漠漠楚此空悲涼九原人不作

題蘭二首

竒茁秘空林何人為賞音謾紉湘水佩好寄杏壇琴軟
翠新搖玉幽黃淺露金為言層石畔榛棘莫相侵

又

林館別來踈懷歸積歲餘始知君子操應與善人居色
染秋清後香饒雨霽初芳叢宜綺石佳致復何如

次林尚默先生送別江西

合沙橋畔曉分袂惜餘秋征騎頻催發臨岐莫暫留楚

雲將別恨關月愜清游自笑身何似滄江一葉秋

李判府五馬圖

黃堂時並駕紫陌事驅馳導從歸來晚僕官控秣時騰
身思渥水弄景憶瑤池西上還家日應辭白玉羈

送林主事還京

卿曹郎職選青署列仙班暫捧全閩檄應從上國還離
心三島月歸思萬重山去去須回首榕城杳靄間

送林尚默之沙陽

整旆龍臺曉分攜岳水濱扁舟應棄越百里又之秦畫
鷁愁中遠垂楊別後新杜門閒夕照孤榻藹香塵鴻鵠
寧無侶窮居固絕隣多君終我顧在世有誰倫青草同
心逸梅花入夢頻七峯天外壁雙劍水南津望極徒增
悵愁多不為貧橫經苦長夜坐井度芳辰餘澤留蓬蓽
移光耀縉紳爛雲開富域積雨藹東閩物候隨飛鳥歸
期老此身蘇門記橙橘張翰誤鱸蓴迎旭樓前月金鰲
頂上春范張鷄黍在往事擬堪陳

題林自怡墨梅

闕下簪紳裔幽居寂不譁穿雲開竹徑逸屋種梅花東
閣吟仙宅西湖隱士家傾心同潦倒古貌復槎牙春信
傳芳萼寒光積素華露含珠蓓蕾雪縱玉交加斗帳空
香遠書幃片影斜終當調鼎鼎未許託蕙葭卧對宮簷
下行尋灞水涯粧成誰復見詩在世仍誇驛路愁難寄
羅浮夢轉賒天風吹酒醒涼月上窗紗

三山競秀

八郡皆鍾秀三山獨擅名俗沾常袞化地壯越王城突
兀龍腰曲逶迤鳳穴平薇垣千樹遶榕市百花明左向
鰲峯望斜通北界行九仙遺舊跡千古寄佳聲烏石隣
霄近青雲接地生盤迴成委曲鼎立鬪崢嶸此地饒清
况當年集俊英明公多勝覽書此報瑤京

雙劍交津

龍劍何年化芳名寄古津灘流交赴海風景藹如春山
遶孤城外橋分二水濱光芒射牛斗灝氣接穹旻搜索

應無物騰驤似有神
天秋悲估客月夜泣鮫人
毓秀英靈在興賢
泰運新延平傳有自仲素道彌純
形勝登輿籍文章動縉紳
重脩千古事輝煥耀全閩

雲谷春耕

幽棲雲谷叟千載紫陽翁
耕隱名猶在真儒世所宗
農風移建水道化屬歐東
早作乘春澤時耕獲歲豐
鳥聲芳樹裏人語暝煙中
經界千畦隔縈迴一水通
耨雲過別壟餉草入深叢
濁酒呼隣共新炊與客同
南陽憶諸

葛隴上候龐公謾道遺安計明當起卧龍

樵川夜月

涼月樵川夕輝澄灝氣浮岩堯百丈嶺皎潔一輪秋
成柝依城壘星槎近斗牛天高清露下雲淨絳河流
夜渡聞方語寒燈隱驛樓千門聲寂寂獨客思悠悠
謾作高唐賦須拚赤壁遊一聲風外笛孤棹鏡中舟
桂魄今宵滿公車此日留明當霄漢上曾憶共清幽

送進士汪克紹

仙舟桂席懶聞歌
渭樹江雲奈別何
白社每同為客飲
青山今日送君過
鷄聲候館人行早
月影蓬窗夜色多
洛下才華應久待
春風紫陌共鳴珂

寄弟宗本

連枝同氣不同芳
老大應憐各一方
靜夜碧窗惟有月
流年青鏡總成霜
陟岡見鴈和雲遠
藉酒消愁苦漏長
遙想蘭臺春草夢
覺來還似舊池塘

題宿鴈

西風吹影下滄洲倦倚蘆花起暮愁極浦煙深迷旅宿
寒沙夜靜怯漁謳覓歸紫塞三更月夢斷衡陽萬里秋
却被隔江人喚醒一聲長笛倚危樓

重過清冷臺訪玄峰上人次秦師舜韻

上方石逕隱巖扉東閣休文欲暮時散步謾隨黃葉度
頻來應愧白雲知空中花落看還寂竹外茶香坐莫辭
吟對清冷臺下夕西風扶醉獨歸遲

題竹石

蔣逕秋高露未乾太湖崑畔曉光寒恍疑嶺谷風前聽
還憶瀟湘雨後看江海倦游嗟落穉溪山清隱謾垂竿
月明人去珂聲遠翠羽蕭蕭舞鳳鸞

雙劍匣

雙龍久向匣中藏一旦逢時自發揚神物欲歸滄海去
玉函深掩白波光斗牛夜宿三更月鎖鑰秋開數尺霜
大手指揮塵不染人間從此見鋒鋟

丹青譜

客至東軒午罷經興來猶喜翫丹青只消半榻開絳帙
何用千間列畫屏楚水吳山秋歷歷江雲渭樹晚冥冥
古今人物皆陳迹獨有漁翁傲晚汀

石碁枰

琢破瓊瑤碧蘚滋縱橫有路本無岐朝回北闕人間處
書歇東軒客到時幾度藤花和子落一庭梧影傍雲移
興來贏得山陰墅國手如今已見推

漁樵問答

弛薪投餌暫蹉跎共訝林泉逸趣多釣澤遺蹤今尚在
爛柯消息竟如何空煙邃谷聞清唱落日澄潭發浩歌
白首功名誰可問會稽山色渭江波

題蓮塘雙鷺圖

倦倚春雲錦繡明應憐鳬渚曉光清縞衣雪映荷花淨
絲頂風微柳絮輕雲水乍看疑鶴伴江湖久別負鷗盟
會當飛上層霄去好共鷗鷺逐隊行

寄林尚默

僊飄曉掛越江波別思臨流可奈何歧路每懷楊子泣
河梁愁絕李陵歌翩翩去旆連蒼靄寂寂衡門掩碧蘿
故國片雲看漸遠亂猿孤枕聽偏多煙空劍水鳴榔入
月滿琅溪倚醉過獨樹雨中分翠幄七峰亭際藹青螺
論交未必無張邵抱璞應憐有卞和念子忽成經歲別
嗟予已覺半生訛壯懷倚劍臨孤館歸夢驚秋感露柯
征鴈影沈悲楚客玉簫聲杳憶秦娥集賢久擬開東閣
閭闔應知候曉珂霄漢期君稱獨步青羶寧復久蹉跎

寄編修林尚點

昔曾夢入蓬萊景
百合流雲翳天影
瑤草春香翠霧涼
石室苔紋紫花冷
羽衣仙子華陽君
手持玉塵揚清芬
飲我丹霞嗽瓊液
授我赤篆書符文
須臾拂袖凌空去
別鶴離鸞向煙霧
西風吹珮玉琳琅
舉首遙聞共天語
天門樓闕參差開
九龍鬱結黃金臺
神霄雨露一揮翰
三十六地皆風雷
覺來捲幔南山曉
壯心一點秋波皎
目蕩三神海上山
迴看日下羣峯小

栢臺霜曉

天風吹寒烏府深
乳鴉啼曙臺栢陰
老枝巨榦響靈籟
翠虬乍舞蒼龍吟
龍吟虬舞雲雷起
玉節金貂天上至
白簡霜飛振八閩
冰壺水潔澄千里
臺高浩氣凌青霄
山嶽迴看亦動搖
巖林無地隱豺虎
郊原何處藏狐妖
政成藻鑑空中皎
繡衣攬轡金門曉
九重回首望閩關
三山一點青螺小

虞美人草

朔風吹沙氍帳高漢軍四面皆楚歌拔山力盡騅不逝
虞兮顧此將如何君恩自此良難保血濺秋霜眉黛鎖
香魂不向陰陵歸滯魄寧依原上草妾身托根生路傍
妾身有恨天地長妾容甘與同朽腐妾名終與同芬芳
輕寒未歇方春雨暗綠離披啼不語高秋欲度風怒號
却憶當年宵起舞行人過盡已斜暉馬蹄猶似將軍歸
深藏泣露暮蟲響羞覩雙雙黃蝶飛

送李同府弟省兄歸洛安

黃堂日暖春晝長夢來青草生池塘吟成遠值惠連至
珠璣咳唾紛餘香塤箎輒奏諧宮羽剪燭聯床幾風雨
杜鵑啼上鵲鵲原一聲喚得春歸去春歸去可奈何誰
將棠棣重高歌柳枝乍折桂枝遠牙檣掛席螺江波到
家待問親應喜回首難兄隔千里為道官清不厭貧好
聽香名滿人耳

題連邑趙氏琴鶴軒讀書處

連川積秀如堆藍幽人卜築江之南園池數畝襟花竹

石徑九折羅松杉橫琴每對前賢語魚躍鳶飛共容與
吟影秋隨澗底雲書聲晚落林間雨仙郎白雪和陽春
孤琴隻鶴行相親謝安屐齒苔花滑杜陵詩句還清新
寒夜多君能愛客對酒長歌天地窄窗外梅花笑我狂
玉壺擊碎東方白

題趙景文山水

少年不慣睽離思學向林泉結清趣一朝假榻螺江春
幾度愁來愁欲死下帷應傍上人居天花白晝生空虛

石梁遙度進酒嶺浮屠俯瞰洪塘衢東人念我多岑寂
持橈夜泛前溪碧醉倚澄潭月色涼謝端螺女空陳跡
朝來更上妙峯山岑堯絕嶺勞躋攀歸情默默戀飛鳥
天人色相心猶閒旅懷况值春多雨登臨盡日遙凝竚
野碓聲喧近水家錦鳩啼歇長洲樹東書蚤賦歸去來
青檀舊邇無諸臺幾年夢不度西浦石門蘿逕饒蒼苔
披圖却憶曾遊所風景不殊心獨苦踏沙歸客晚牽舟
斜煙落日無人渡

鳴鴈

曲遶行雲斷絃驚片月涼一聲關塞黑何處是瀟湘

題王大尹山水

出洞雲猶濕沿溪路轉賒遙連潘令邑流水帶桃花

白蓮

玉井峰高曙色寒仙娥環佩碧雲端鏡天冷漫冰壺皎

曾憶瑤池月下書

鄭大有山水扇

憶昔移舟上建溪亂山晴鳥望中迷一聲長嘯天風冷
百六灘頭月欲低

題雪梅月梅

五出花開六出飛空香積素共凝輝灞陵橋上人如玉
兩袖春風策蹇歸

又

流蘇帳小玉屏空畫角聲沈月正中春滿羅浮清夢覺
一枝疎影上房櫳

漫士山水

孤櫂澄潭野樹昏
武陵深處是桃源
玉堂僊客多清暇
醉染春雲憶故園

竹溪六逸

相從溪上作清遊
萬頃琅玕六月秋
名教浪傳千載後
衣冠贏得晉風流

石倉歷代詩選卷三百五十六

欽定四庫全書

石倉歷代詩選卷三百五十七

明 曹學佺 編

明詩初集七十七

黃澤

字敬仲
侯官人

九日登鳳丘山

秋氣何淒清登高豁懷抱採菊簪白頭輕風落烏帽故人隔
層霄情深寡音耗欲往從之遊翅短無由到林幽草青青川渺

沙浩浩酬恩願不諧展轉思衰髦孤鴈飛且鳴志豈在梁稻
題山中葉士晦忘適卷

太樸散已久淳風何時還智巧苦相攷機心寧暫閒緬
懷山中人方寸淡如水彼此兩忘情誰譽亦誰毀讀書
啓我篋食粟耕我田耕讀有真樂優游年復年鵠版搜
英髦牛刀試南海洋洋絃誦聲放悲武城宰矩步倦追
逐徘徊思故林清時返初服款乃還山吟還山何所為
登臨適其趣碧潭同淺深白鷗自來去草映鹿門綠花

沿盤谷紅斑斕列童冠舞袖回春風

幽居發長歎

幽居發長歎寒暑相推磨唐虞去我遠禍亂何其多
牧宮造荼毒炮烙興朝歌庶政雜荆棘萬民罹網羅
怨詈豈容息戾氣傷天和彼蒼胡不仁廢置難揣摩
世道日跼蹐涕泗空滂沱

卜築石鼓東

卜築石鼓東喜與塵寰隔我田廣且平鄉井同稼穡年

豐幸齊收輸官免催逼推餘厚所親稍暇及賓客秋初
風漸涼寒衣難驟得樵爨多辛苦無使心悽惻此外更
何求永言繼常德

又

卜築石鼓東眼界何清淑澗水橋下流羣峰如削玉鋤
雲種松苗護牆半新竹初月生夜涼書聲出茅屋古嶺
通衡山章林近盤谷三遷非擇隣彼憚我拘束天意巧
安排詒謀素心足

掃葉歎

十月天氣肅四野何荒涼悲風撼林木木葉隨飄揚壯
士歎時蹇病翁愁晝長呼童掃殘葉堆彼園東墻

歸田歌

十五遊上庠追琢慕韓柳弱冠取功名笑談別親友風
流直欲繼伊周富貴浮雲我何有文皇臨御海宇清朝
陽孤鳳雖雖鳴重瞳注意在方面朱衣象簡叨光榮慶
成金殿三陪宴龍光晃日籠官扇玉卣黃流次第斟彤

墀韶舞尋常見慈母星沈寶婺光含哀扶輿上重岡孤
丘土掩生前玉墓表文揚歿後芳三年釋服朝昭聖隨
例仍參召南政獻策曾承止輦看趨蹌詎識中書令章
帝徵賢拔舊臣春風整佩上楓宸浙藩總政恩偏重龍
謁褒親寵更新奔喪復度梨關去先隴松楸動哀思奪
情視事十年餘甘棠餘遍停車處聖皇繼統文化隆少
年才俊咸登庸笑余衰朽更踈拙乞骸未許巢雲松孤
鴻孤飛未能止弋人機發深叢底青天白日知我心詔

許投簪歸故里憶昨從政今白頭懶隨流俗談沈浮百
年遺愛被草木一生豪氣輕王侯長期盡節報明主豈
料不才今若此則足徒傷獻璞心回首西陵淚如雨

桐陰翫月

柴門半掩桐陰綠有客相過慰幽獨笑談未已明月來
對此成三飲醺醺客云此月何皎哉誰將寶鏡懸層臺
蒼天碧海任流轉虛涵萬象無纖埃憶從混沌初分日
兩曜行空長不息氣朔虛盈固自然相射那能無薄蝕

廣寒宮闕何嵯峨畫欄四面浮金波吳剛砍桂鐵斧碎
虬枝丹粟今猶多虹橋隱隱天中起翠蓋曾到蟾宮裏
羽衣霓裳清且妍五色雲階淨如洗白兔搗藥丹未成
玉杵丁東鳴不停謫仙騎鯨凌倒景空江沈壁秋冥冥
龍谿垂釣心長苦想接清光侍明主返照終當及草茅
未必今人不如古我聞客論如懸河我酌我酒歌我歌
明朝送爾登霄漢我復韜光醉薜蘿

谿頭吟送鄧弘中上春官

谿頭水清浩浩甲第臨溪瞰官道玉壺美酒送君行為
君笑整烏紗帽君思晴翻碧海濤潮頭雪卷浪花高興
來筆下龍蛇動誰數羣中有俊髦冲融三禮當春試卞
璞逢時不終閤獻納新承雨露恩飛騰大展雲霄志十
里臺沙已壅金九重望說作甘霖野人家住東山近日
到谿頭問好音

送鄉友劉宗綬應召之京

閩中八月天氣涼故人匹馬來河陽高堂設席列冠蓋

笙歌次第催行觴昔君與我居田里結伴讀書即知己
三時蔬食共藿鹽兩榻寒釭同起止池蓮庭草年復年
仰鑽瞻忽心懸懸風流恥逐今英俊歸潔終期古聖賢
閒時遣興揮篇簡白日沈山不知晚老莊荀列文最奇
看來總是窺天管秋闈多士龍點晴海門一望銀濤清
揚緒鼓鬣忽飛去千峰萬壑皆雷聲觀光再應儀曹試
筆下縱橫幾千字數陳帝訓闡洪猷又聽傳臚出丹陛
大廷彩鳳鳴喈喈羣后謨明仍弼諧范滂不攬澄清轡

張綱焉用車輪埋因循謬領專城寄苛冗紛紛如鼎沸
滌蕩宜恢遠大謀撫綏敢怠遼巡志君懷磊落君行良
刺繁治劇才偏長鄧林喬木聳霄漢大廈應需作棟梁
征驂南北勞行役翫月吟風間朝夕題絨幾度託歸鴻
雲樹蒼茫情不極殊方邂逅須暫留夜深秉燭名園遊
明當江上與君別別後相思空白頭

題卧雪菴

桐廬山中人卜築依平麓號曰卧雪菴胸次清如玉疎

林和靖梅小圃淵明菊梅菊雖無情聊以慰幽獨最愛
嚴冬雪片飛剡溪孤棹人來稀沈沈一枕華胥夢那識
衰軀凍與饑覺時還擁重衾睡萬壑千峯寒可畏自信
鄉村興味長誰知霄漢簪纓貴百歲蹉跎兩髻華忽承
恩詔賜烏紗他年又擬天書到特表表安處士家

正統辛酉二月九日在北京崇文西樓有述時
為當道者所中就獄而出情見乎辭

臺閣雲霄上蒼蒼日鑒臨莫張虞氏網須辨漢郎金臣

道如絃直君恩若海深
南歸返初服永遂老農心

過臨清

孤帆五兩輕冒雨過臨清
樹色迷昏晝虹光半晦
明棄繻空有志投筆竟何成
關吏沙頭立無煩問姓名

晚宿仙霞關

山路繞雲霞
拔登日已斜
水流黃葉澗
林落紫藤花
行旅通三鎮
居民有幾家
炊煙寒不起
獨立數棲鴉

歸自紹興二首

離家兩月餘歸守舊田廬除地多栽竹垂綸少得魚雨
晴花落後日出鳥鳴初寂寞東山卧和光懶著書

又

風塵遊歷久天與老來閒去國長憂國還山少出山人
煙秋水外釣艇夕陽間不是無交接雲深戶自關

南土甘棠

召伯循行日棠陰淑景遲樹雖前代種人繫去時思雨
露常滋潤風霜不改移南閩諸父老馬首向新詩

辛酉元日寫懷

旂山南望鬱蒼蒼十載經營綠楚莊耕讀自無塵俗累
釣游多在水雲鄉菊因秋去含霜老梅近春來帶雪香
寒暑催人頭易白惟須對景盡瑤觴

舟次濟河留別湯總兵

論交與子最知音倚馬尊前索我吟秋水化龍雷煥劍
虛堂絳月伯牙琴雲霄已遂歸田願林壑長懸戀闕心
別後羽鱗何處問洞門閒掩薜蘿陰

曉度梨嶺

路繞梨關萬木陰
故園南望白雲深
昔勞薇省承宣力
今遂旂山隱遁心
孤鴈影隨殘月落
疎螢光逐曙星沈
到家正及香醪熟
三逕黃花半醉吟

南歸

江湖蹤跡歎浮萍
恩許南歸鬢已星
塞劣何須干閣老
支離終不愧山靈
清秋獨鶴松頭立
落日孤峯海上青
欲拂冰絃彈古調
賞音人遠若為聽

雨後晚步

柴門雨過稻花香獨步松陰趁晚涼上疏謫來憐賈誼
辭封歸去憶張良山中有豹藏深霧渭曲何人釣夕陽
昏黑莫行林外路參差草露濕衣裳

山莊即事

落職南歸逸興多倚雲閒唱伐檀歌新開池館移松菊
舊隱巖扉剪薜蘿細雨半坡黃犢草清風一棹白鷗波
林泉隔斷紅塵夢不識春城有綺羅

梅花紙帳

誰搗霜藤換絳紗更將凍墨洒寒花剡溪人去芳魂斷
庾嶺春歸別夢賒欹枕醉疑雲蕩漾擁衾吟愛影橫斜
清風不逐豪華盡流落山林處士家

過錢清渡

孤舟隨伴過錢清東望稽山感客情蒼蘚斷碑神禹廟
斜陽荒草越王城數莖白髮甘衰朽萬里青雲愧聖明
幸有棠陰遺惠在居人還誦使君心

甲子秋山莊寫懷

龍溪別墅隔塵氛清曉開窗掃白雲得酒暫同隣叟飲
採芝時與野人分風來桂子空中落雨過泉聲樹杪聞
自笑支離知己少祇應猿鶴日為羣

題岳陽樓圖

昔泛扁舟過洞庭高樓獨上敞雲屏連天楚水鷗邊白
隔岸湘山鳥外青往事蹉跎仙枕夢流年踈冷少微星
紫泥早晚徵遺逸霖雨功成若建瓴

已巳盜息還山

野人卜築近桃源倉卒攜書出故園
隣邑風塵隨處起深林煙火幾家存
正愁戎角翻悲調忽喜征衣洗血痕
綠樹陰中丹荔熟諸孫擁帚候柴門

葛川仙跡

盤松偃蹇老龍形下覆仙翁煉藥亭
火候漸消灰候冷苔痕半沒履痕青
誰云弱水環瑤島未必藍橋隔錦屏
自有朝天雙鳥在懶隨鸞鶴上蒼冥

晴峰瞰海

天台山水最清幽，文筆峯高逼斗牛。
日出漸通仙洞曉，雲開遙見海門秋。
陶潛幸遂歸田願，賈誼長懷報主憂。
幾欲褰衣登絕頂，飄然直與赤松遊。

山莊夏日

乞骸那許暫歸田，何事投閒十二年。
孤蹇不諧多士意，退休宜在衆人先。
傭書空擲班超筆，敵愾誰揚祖逖鞭。
荔子香清雲氣冷，聊開枕簟北窗眠。

乙亥人日

石仙潭下買荒原緣麓周圍十畝園竹塢踈籬新院落
桃花流水舊溪源青山對酒晴移席綠樹垂陰晝掩門
浮世纖塵飛不到此中真意自忘言

野齋小隱

先生家在鼓山陰喬木蒼蒼一徑深飛鳥戀巢如有跡
浮雲出洞本無心秋風黃菊杯中酒夜月猗蘭膝上琴
盤谷豹林人去遠尚留清趣到于今

翠微書屋

翠微深處結茅廬時有幽人此讀書萬壑松陰春霧濕
半簾花影午窗虛彩毫興到頻揮灑蠹簡閒來暫卷舒
何事謝安高卧久山林原與市朝疎

答姑蘇陳少保

懶賦皇華策使驂幸隨樵牧老江南染絲補袞非無術
懷刺投人自不堪曉雨綠蕪林外路晚風疎竹雪中菴
斯文故舊如相問田野遺民七十三

橫浦漁舟

龍江水與海潮通一葉扁舟白髮翁
生計有常隨厚薄浮蹤無定任西東
飄蕭箬笠偏宜雨蕩漾蒲帆穩駕風
唱罷滄浪人不見陶然醉卧月明中

山中景

悠悠川上雲光映空林
白杖屨何處來柴門閉秋色

病起

微月映窗明魂清夢不成
起來階下坐蟋蟀向人鳴

滯雨

山居坐寂寥悠然起遐想故人何日來林外雨聲響

池蓮

人愛池上花我愛花間子子中生意多種之滿洲渚

歸田趣

高卧隆中愧孔明成都賣卜笑君平一從落職南歸後
足跡經年不到城

其二

雅愛旂山景物清
罷官旋覺此身輕
盤陀石下泉偏冷
笑倚東風一濯纓

其三

秋郊露冷百蟲鳴
門掩空山夜氣清
寶鼎香消人未寢
白雲樓上讀書聲

其四

門前積雪未全消
坐擁青氊笑寂寥
聞說梅花春信早
冒寒扶杖過溪橋

舊帽服帶

四朝宣政舊衣裳
慣上金門進奏章
林下不堪開寶篋
開時飄動御爐香

旂山春曉

解綬歸來學種田
小窗日晏枕書眠
黃鶯似識幽棲意
長向花間奏管絃

正統己巳秋大駕北巡
扈從官兵二十餘萬
同時陷沒
郕王即位以尚書胡濙等為三孤餘

各陞官有差感賦

鑾輿遠冒北風寒誰遣王倫一問安可嘆兩京諸宦達
不知何事盡遷官

題蘭

洛城紅紫委蒼苔九畹秋華帶露開試拂龍唇彈一曲
許多香氣袖中來

石倉歷代詩選卷三百五十七

欽定四庫全書

石倉歷代詩選卷三百五十八

明 曹學佺 編

明詩初集七十八

陳棖

題金臺宴集

彈冠別鄉井欣然際時康都門集簪組展席開華堂笑
談屏聲伎貴介辭金張怡怡桑梓會藹藹情好長維時

屬冬叙朔雪飄天芳列坐不惜醉獻酬亂飛觴酒酣發
長歌餘音遶雲梁壯志遂弧矢青年俱奮揚安能守閭
巷刺刺兒女行

心遠亭

幽興在南山何須遠城郭閉目謝喧囂冥心寄寥廓簷
楹多白雲香靄生林薄日出羣峰明巖傾百泉落況乃
濯塵纓投閒事耕鑿機忘沙上鷗趣愜松間鶴亦有柴
桑人來同林下酌始信昇平時烟霞有餘樂

送陳進士徽仲歸三山

挾策獻閭闔光輝垂萬言
況茲恩寵優得以榮鄉園
白日照錦衣翩翩出都門
良辰集冠蓋出祖開華樽
谷鳥韻繁絃林花吐晴暄
傾杯未及醉僕御戒行軒
知君登臨興客路風光繁
適意無久留高堂人倚門

耕讀軒

屏迹謝紛擾幽居帶川原
蕭然無餘蓄竹素開南軒
新雨隴頭綠晨興起柴門
抱鋤薙荒翳聊以護苗根
息勞

憇古木散帙披羣言古今數千載起伏一何繁殘編未
了了暝色集墟村坂草飯黃犢栖禽驚復喧歸休茅簷
下列坐共兒孫曷以慰渴饑濁酒盈芳樽優游此卒歲
干祿非所論

題耕樂軒卷

溪田無旱澇里居復亢爽耕作勤朝昏耨耘辭鹵莽草
豐牛犢肥壤沃桑麻長西城幸有秋隣舍互來往卒歲
既無虞濁醪時共享怡然農圃談閒即成幽賞悠悠天

壤間豈復慚俯仰

為謝良翰題玉山草堂

衆壑結蒼翠一峯凌紫雲傳云昔達人於此避垢氛山
空無鶴馭石老空苔紋之子構草堂長年慕清芬松風
夜謖謖蘿月秋紛紛種木緣古崖翻書落香芸門無俗
客到榻許山人分茲晨鵲薦遠謝麋鹿羣為赴蒼生
期奚慚北山文公餘睇舊隱雲氣還氤氲

題荊庄卷送鮑先生歸安成

幽居屏紛豔。眷此時菊妍。風霜正高寒。粲粲黃金錢。萼
芳稱隱心。掇英制頽年。昔仕非不榮。今還操彌堅。傍舍
送濁醪。日入同醉眠。白雲南山來。此意俱悠然。遠與玩
物初冥心。希昔賢。願此晚節生。白髮任垂肩。

為候縣丞題山水圖

危峯海上來。蒼然數千里。倏值靈氣鍾。雲屏望中峙。崖
傾泉影明。谷靜天聲起。似有仙人。居樓閣。翠微裏。霞想
結空濃。塵心濯流水。三秀知幾榮。丹丘此中是我憶。南

宮人翩然蛻泥滓別墅黃山秋柴桑宛相似歸期石上
同野酌松邊喜引睇東南雲緘情寄雙鯉

松坂清逸

亭亭萬松林別構僅容膝席陰無冬春簾翠自朝夕主
人愛松風靜聽意自適清吟到夜分明月在巾舄是非
曠不聞烟霞已成癖我有小山謠期君謝閒逸黃鶴遊
青冥汗漫不可即

題雲卧山房卷

養疴卧空林白雲在幽墅一片澹悠揚相看若儔侶度
溪鷗外閒濕雨簷間聚歌枕契無心席陰對忘語有時
松颺吹長空忽輕舉恐為他山留掀簾重延佇

為李司訓題松竹圖

雙松有古意傲兀歲華永根摩崖石堅翠拂雲泉冷長
風振濤音華月度蛟影泮上咏歸餘閒情契弘景

題琴樂卷

誰鑿爨下桐具此絃上音悠然資至樂況乃禁邪心拂

几奏流水清風滌煩襟鍾期去已遠此意猶在今名軒
日相娛珍重若瑤琳遙知微軫外此樂還復深

題香山九老圖

鑿翠開香山梯巖架石樓旣忻功業成遂卜林泉幽解
帶依遠松濯纓臨清流灘鳴八節水雲度羣峯秋昔當
元和時屢進忠讜謀側聞移病後白雪已盈頭醉吟喜
自適山水足夷猶況逢諸老翁良時同退休命觴愛傾
倒取樂諧唱酬共保龜鶴齡寧隨麋鹿遊高名宇宙間

陳迹委榛丘丹書幸可托撫卷仰前修

分水關

名關控東南竚立翠微表遠吞吳越雄俯視甌閩小綠
蘿翳關門洞口徹昏曉大道抗浮雲征車出飛鳥行行
望故山蒼翠猶未了試問出關者棄繻今多少

賦得蒲鞭送鄭希玉出守寧波

鞭朴古教刑豈必傷膚肌末流恣慘酷尋常視瘡痍卓
哉南陽守編蒲以代之責過示恥辱安用箠楚為微物

不盈握仁風浩無涯餘馨播青史百世猶可師使君領
郡符出牧東海隅臨民慎推恕前修以為期

夜發別故人

晴雪天始寒離筵醉長夜百壺未盡傾雙驂已晨駕前
林多暝色修爾陽光射輪蹄破餘靄欲發還驚訝豈不
眷舊遊嚴程少餘暇雲山幾萬重極目成悲咤欲識別
後懷微鍾白門下

賦得平陽懷古送鮑叅議之任山西

河山空表裏今古稱名區
霸圖隆晉業民俗自堯都土
銅啓儉嗇衣裳化恬愉
陵谷有變遷神功永涵濡
至今千載下不與遠昔殊
君行佐雄藩攬轡發長途
繭絲謝紛擾惠澤恒覃敷
訪古增感慨觀風緩馳驅
登高應有賦寧愧古大夫

為潘惟深題松陰獨坐圖

盤石翳懸蘿飛流下層巘
抱琴何處來心與孤雲遠
衆鳥天際還林光澹將晚
為愛松風清坐來不知返

題獨善齋詩卷

投老返齋居，辭榮息羣慮。
閉門寡儔侶，聊以欣暇豫。
琴冊於我親，江山足詩助。
有時攜短筇，獨往舊遊處。
林端倦鳥還，溪上閒雲去。
適意恒自知，悠悠向誰語。

諸友夜集得光字

燭短易見跋，情多須盡觴。
濁醪豈足念，所愛春夜良。
既蒙眷顧惠，又枉金玉章。
情文發葩藻，蓬華餘輝光。
顧慚瓦礫質，忝綴珠玉傍。
願言久遠好，毋替茲夕長。

又得途字

世人重得志忻戚在須臾寧知齊王瑟不博王門等一
鼓不見賞歛容居皇都卷舒若浮雲何必增煩吁出門
望故山綿邈萬里途片帆掛春雨秋水肥江鱸軒裳非
不榮綵衣足懽娛朱絃實更張勿謂知音無

賦得梅林送歐陽廣哲之河南僉憲

浮光梅林今有無崇岡複磴尚縈紆長淮襟帶列巨屏
蚌港控扼稱名區何年此地花千樹萬斛飄香歲將暮

雪暗渾疑庾嶺巔月明却訝羅浮路托根曾是老風霜
名表山中歲月長中州形勝推巖邑賴蔡河山接近疆
栢臺憲節牽帷日絃詞洋洋藹千室鐵石無遺作賦材
甄陶好採調羹實況君文采當代奇登高弔古應能詩
公餘驛使如相遇寄我煩君折一枝

送盧質中分教韶州

逢君溯江船西風白雁新涼天送君薊門道殘雪初消
春信早浮雲聚少散還多握手臨歧別奈何解貂醉我

壚頭酒擊筑為君席上歌君才浩若春江水肯學腐儒
老桑梓千人奪雋都說賢百里鳴琴魯公治美錦初裁
奈數奇幾年流落怨江離心將往事如春夢鬢遂流年
換素絲竭來鶚剡辭丘壑何限香名動寥廓吐論應披
錦繡胸承恩又振韶陽鐸秣馬匆匆向我辭御河冰泮
正流澌柳條霜脆未堪折笑解吳鉤贈別離扁舟此去
經淮楚梅嶺天高限南土斷碑芳草曲江詞落日青山
武漢渡弔古憑高休慨慷青氍毹半榻足徜徉知君別後

能相憶莫道南天無雁翔

江南曲送周員外歸廬陵

江南路出長干口萬井千村種花柳華髮星郎錦作衣
畫船撸鼓逐潮歸莫言慣識江南道一度經過一回好
岸上樓臺臨水開吳姬白苧曲新裁商人棄金如棄土
百萬壚頭換歌舞香飯炊粳食有魚家家無事但閒居
江南風景良不惡不是少年行亦樂請君後夜泊舟時
更聽吳兒唱竹枝

賦得黃鶴樓送林嘉亨之岳州通判

黃鶴高飛度瀛海青山閒掩危樓在樓上年年鶻雀飛
黃鶴不歸今幾載畫棟栽栽入碧空四時雲霧鎖簾櫳
銀濤洶湧江聲遠夢澤蒼茫楚望窮隔波樹色漢陽渡
芳草洲空禰衡墓百年詞賦未淒涼兩岸江山尚如故
千里之官賦勝遊樓前訪古暫維舟登高不用多留詠
崔顥詩成在上頭

帶湘樓

雁峯飛飲平湖水喬木千章隱珂里阿誰樓上構樓居
自是元龍舊孫子百尺平臨萬頃秋雲光霞彩湛悠悠
柳條掩映鳬鷺集螺黛參差島嶼浮主人心賞起塵境
盡日凭欄學清隱一榻芸香散帙餘半窗月色鈎簾近
暫赴天書便乞歸肯將簪紱換荷衣機心自信渾忘却
鷗鷺相看總不飛星星秋髻流年晚物表高居迹尤遠
蝶夢俄驚地下醒鶴化何年樓上返度閣牙籤手澤留
後人重此業弓裘登樓每動高山仰洒泪長沾宿草秋

舊家文獻今如昔合族比隣盡逢掖拂雲高扁儼若新
客至壺觴更終夕笑予水木忝同源固始南來幾葉蕃
千年譜牒猶聯系十載萍蹤未款門德星烺烺層樓上
永夜相望發惆悵扁舟何日繫湖灣爛醉樓頭續漁唱

春日同諸公登烏石山飲天香巖分韻得衆字
十年客裏鄉山夢此日山前駐飛鞚展步寧論磴道危
芳遊最喜簪纓衆老衲供茶出寺門廣文飲客開銀甕
臺上天香作雨飄花間好鳥知時哢半空寶塔入烟雲

十里臺江橫蟠竦風光入眼塵慮清觴酌催人語聲哄
捫蘿更涉淩霄巔訪古還探宿猿洞摩巖細辯舊題名
苔封篆古難成諷酒闌起舞興轉酣懊憾夕陽飛鳥送
歸來城市已昏鐘明日塵蹤行倥傯

神景禪林

樓閣中天起名山隱大千曇花春作雨貝葉暝生烟松
冷僧歸定庭空鳥悟禪洪祈棲隱近知爾謝塵緣

鳳凰仙島

羽駕來何代仙丘號鳳凰竹林枝不實丹竈草生香往
事餘陳迹空山半夕陽卜居殊未遂引睇遠相望

禹穴煙霞

神穴流傳久煙霞杳靄間靈蹤迷近遠洞府隔塵寰曉
結松邊暝晴依鳥外閒平生懷古意何日一躋攀

剡曲扁舟

大雪漫溪路良宵返棹時故人無宿約幽興有誰知
青山在波搖白鳥移年年放船者誰復古今期

題漁樂卷

鳴榔惟取樂
罷釣懶維舟
淺水黃蘆外
涼風野渡頭
醉來閒棹月
歌起不驚鷗
時約乘槎侶
同為汗漫遊

次陳通守舟發臨清至直沽韻

衛河東去遠
今古是安流
小店沙邊市
連橋柳外舟
幸聯文酒會
稍解別離憂
薄暮雲帆發
真成汗漫遊

又

析木城邊泊
浮萍客裏身
夜深潮赴海
巖色草迷津
望

闕欣天近推蓬見月新勝遊殊未倦況與故人親

挽陳簡討嗣初

艤棹吳門日驚逢屬纊時懷人空有淚晤語更無期落
月留塵榻淒風起總帷案頭遺藁在讀罷不勝悲

題百牛圖

華山歸牧後南畝釋耕時大地郊原衍方春水草宜功
成無絀載力剌向驅馳飲澗遙呼犢維羣亂度陂烟簑
橫背卧風笛隔林吹孳息欣咸若甄陶曠莫涯融融和

氣洽藹藹物情怡
漢喘休勞問商歌
謾自悲戴嵩能貌
古班特浪傳疑展
卷懷周澤涵濡宛
在茲

題雲深讀書處

卜居靜愛鉢池山
山下雲深一徑閒
萬卷圖書連几案
九街車馬隔塵寰
茶烟暝出空濛表
燈火宵分杳靄間
有客問奇常載酒
林扉盡日不須關

題竹林七賢

河內衣冠勝會同
竹林高興自無窮
野橋翠滴諸山雨

石几涼生六月風
身外功名爭似酒
閒中歲月任飛蓬
可憐遺跡銷沉後
錯把丹書付畫工

磐溪漁唱

水遶雲屏似武夷
漁郎清唱夕陽時
聲兼淺瀨風初急
曲度遙林月漸移
楚調變來多款乃
江謳何處轉參差
夜深醉倚孤蓬聽
絕勝吳儂怨竹枝

西嶺樵歌

西崦斜日下巖阿
伐木聲停聽浩歌
出谷漸隨春鳥緩

度林還逐晚風多買臣不用干軒冕王質虛傳爛斧柯
歸去賣薪時取醉山中此樂復如何

壺山歸隱

解官歸隱舊壺山往事浮雲夢亦閒花徑雨餘春自足
柴門地僻晝常關問奇時有隣翁到采藥長隨倦鳥還
謾與野鷗深結社鶴書朝夕赴林間

越阜秋雲

仙丘西畔越山微幾片閒雲出岫飛宿寺遠隨僧入定

巢松還帶鶴來歸
暝兼秋色移丹島
淡掃霞光幻白衣
天上從龍長作雨
迴看倦鳥思依依

石橋歸牧

達人歸築碧山河
細柳橋西牧子多
流水半村松外笛
平原數畝雨中蓑
維魚入夢無饑窘
芳草如茵任寢訛
北上鵬程猶萬里
虛敲白石和高歌

送陳叅議彞訓歸永豐

朱衣赤帶衆稱宜
歸去鄉園鬢似絲
詞翰久為黃閣重

姓名今許白鷗知
清泉綠樹行吟處
倦鳥閒雲坐對時
林下日長多故老
短筇相過自深期

送許中書謝病歸吉水

微霜落葉度關河
此去文園卧薜蘿
雙闕恩光辭鳳沼
一天秋色醉驪歌
菊松別墅將心遠
霄漢新知入夢多
莫與野鷗盟太早
更期南陌共鳴珂

送陳履中還任淳安

京國相逢凡幾迴
紅顏漸覺鬢相催
一生未改心如水

千里臨分酒滿杯
驛樹蟬聲將暑去
關河雁影帶秋來
客途有景多留咏
毋惜銀箋倚醉裁

送陳太守之任延安

白雲粉署久為郎
千里分符荷寵光
雙珮日邊辭魏闕
千山馬上入秦疆
專城近塞塵沙靜
露冕行春野樹蒼
問俗想應勤勸課
閭閻處處樂農桑

送游通判之任荊州

璫林疇昔共簪花
京國重逢鬢欲華
已郡幾年稱別駕

荆門此日又移家雨中獨樹淮山近鳥外斜陽夢澤賒
粉署才名人共識未應留滯在天涯

送黃太守考績歸饒州

領郡曾聞政績殊奏功今見上皇都三年秩滿仍分竹
千里刑清不用蒲野水片帆隨落雁秋風一騎復平蕪
官居料得多清致山色湖光似畫圖

房村霜樹

房村山遠呂梁洪驛樹迎霜望漸空濃翠不遮僧寺月

疎枝猶拂酒旗風
葉飛片片長河上
影落蕭蕭夕照中
到此推篷吟眺久
遙知宋玉賦偏工

泗亭落照

芒碭英雄幾劫灰
泗亭斜日下荒臺
水聲已帶餘光落
山色猶迎返照來
門外孤烟人語靜
林端初暝鳥飛迴
仙舟際此應停棹
弔古憑君作賦才

五月五日同僉憲別駕二宗長御史審理二林
昆季吳判簿盛訓科遊姑蘇虎丘寺次僉憲韻

赴闕同登淞水舟停橈共過闔閭丘雲隨殿閣疑天近
江擁吳淞入海流石上逢僧松影落池邊訪古劍光浮
別筵況有登高賦牢落偏消客路愁

附陳振

姑孰十詠效李翰林

清溪何迢迢奔流繞城曲人家樓閣臨賈客帆檣宿雙
虹波上橫千樹峯邊綠觀風沂空明悠悠濯心目

右姑孰溪

積水涵太虛一望何瀾瀾風瀾漾輕縠霞光映文綺遙
山鳥外橫孤棹沙邊艤漁家夜語聲深在蘆花裏

右丹陽湖

玄暉何處去青山宛如昔廢宅蔓草深荒井莓苔積旁
有謫仙墳藤蘿亦蒙密詩名兩暉映清風振崖石

右謝公宅

臺廢已無蹤臺名在人耳大江天際來疊嶂雲邊起空
見梵王宮占斷黃山趾舊碑何處尋塔影秋空裏

右凌歊臺

井水本湛然人也一沾汙遂令千載名滌去還如故荒
甃翳春苔寒蟲泣秋雨我詩闢奸雄為泄泉石怒

右桓公井

江上慈姥山地與嶰谷匹產竹製簫管清和中音律伶
倫去已遠叢生老巖窟採之獻明廷當有鳳凰出

右慈姥竹

望夫夫不還貞心化為石獨立天地間千年有遺跡江

草自春秋江聲自朝夕長對雙眉顰莫盡相思臆

右望夫山

巨川滙牛渚下有淵靈宅絕壁俯層巖迴波自撞激不
見燃犀人空憶騎鯨客泊舟陟危亭蛾眉望中碧

右牛渚磯

丁令辭遼東曾向此山住蘿洞曉雲白丹爐暮烟紫猿
嘯山寂寥鶴飛渺何許擾擾塵世中睇望空延佇

右靈墟山

大江自西來到此勢偏隘
天門常不扃為放朝宗派
雙翠展蛾眉兩岸堆螺黛
欲問抱關人風迅舟行邁

右天門山

安慶謁余忠宣公祠

高城枕江滙名山蟠大龍
巍巍幽國祠凜凜忠義風
公昔擢第日名聲已淪淪
字牧與持憲到處蘓民痾
迨茲鎮舒郡適值元厯終
賊騎四郊合敵舟三面攻
中流屹砥柱欲障狂瀾東
訓練瘡痍民盡為貔虎
雄射蛟斬鯨

鯢躍馬凌烟虹七年窮智畧百戰多殊功豈徒淮海蔽
再期顏運隆外援苦斷絕內儲亦虛空孤城如片雪置
在洪爐中力竭繼亦死全家俱徇忠更有偏裨士感恩
多委躬祇今清水塘血染荷花紅大節昭白日芳名耀
蒼穹幸逢聖明代追贈昭無窮有司潔時祀應與睢陽
同我來拜遺像企仰猶華嵩題詩栢臺上感激攄素衷

青陽察院

停驂憩青陽夕雨暗林壑九華近不見雲氣杳綿邈未

遑陟幽勝歷歷詢民膜中夜悵不舒紛此懷抱惡山靈
如好我欲為一開拓清晨掃昏翳宛若鈎簾幙放出九
芙蓉森然羅碧落五老俱拱立餘峯互叅錯咫尺對臺
署一一見頭角飛流瀉玄厓朝霞曜丹嶠使我煩慮清
王事亦毋怍如逢李謫仙招飲杜荀鶴飄飄凌太虛狂
吟振寥廓弛張有至理匪耽山水樂

過彭澤懷陶靖節

彭澤徙江濱邑治已非古慨想靖節翁流風猶可覩邈

爾千載豪豈為五斗取欲憩訪遺蹤官船促雙舫

和錢內翰余阜感懷二首

篋衣存舊縫囊書餘手澤衣以飾遺躬書以勗心德如
何罔極恩杳杳世永隔北風吹雨淚不到松楸側白雲
飛悠揚望望豈終極

其二

睇此臺前竹令我連遐悲先人夙所愛亭構澤水湄亭
存親已逝風葉猶猗猗更有枝上烏哀念堂北慈得祿

不逮養鼎茵亦奚為

遺安巢

龍虎昔戰鬪風塵天地昏
皤皤釋耕叟赫赫刺史軒
邂逅相勉慰故有遺安言
君今際昇平樂志居田園
積書千萬卷義方教兒孫
庶幾騁康莊而無傾覆轅
所遺有如此何必同鹿門

見玉簪花感而作

茂葉敷晴風瓊葩濯秋露
托根在霜臺詎有纖塵污
舞

影覆階墀飄香滿庭戶公餘散煩襟相看望清素痛思
玉堂兄當年寓奇趣花時會羣英飲罷各有賦詞翰未
淒涼人物已非故因之重遐悲臨風淚如注

題青雲一騎卷送邵振聲會試春官

憶昨聯騎榕城東意氣相許相磨礱蒙恩叨乘桓氏驄
乘之愧未蘇民瘼君家櫪上八尺駮骨相豈與凡馬同
鐵花連錢霧作駿霜蹄抹電珠汗紅近逢伯樂鑒別公
七千雲路杳莫窮縹緲迥與天門通彩絲簇轡光龍蒼

騰驤蹀躞追飄風吳門一見氣若虹僕夫曉秣何匆匆
青雲此去推豪雄渥洼奇種皆避鋒解鞍剪拂趨瀛蓬
於時春色方融融九重宮闕切昊穹金銀閃爍朝瞳瞳
振鬣驕嘶達聖聽玉階牽過回重瞳賜浴龍池絳帕籠
直入第一天閑中回頭冀北羣已空人言此騎真游龍
待予復命蓬萊宮雲衢並轡搖玲瓏共展逸足收奇功
庶幾上答皇恩隆

題葉繼武秋官墨竹

秋臺仙郎美如玉
質簫舊種金溪曲
密疑曉雨暗湘皋
亂與春雲散淇澳
邇來閭闔逞琅玕
粉署凝碧涵秋寒
朝回愛此半窗綠
何必江南千萬竿
翔鸞翥鳳舞旌節
一榻清風無暑熱
坐久颯然塵慮消
吟成頓覺襟懷潔
我家潭邊萬玉林
別來霄漢歲華深
披圖展玩動遙思
與子歲寒同此心

敬亭山

宣城城北際雄峙
敬亭山鳥度空濛
外雲飛紫翠間古

祠臨洞壑幽磴入松關李謝當年趣悠悠不可攀

過李白墓

自騎鯨背上星辰骨葬青山謝宅隣常有遊人打碑刻
時來野叟薦溪蘋荒祠林下棲精爽遺韻人間泣鬼神
欲為脩垣禁樵牧殷勤停節語鄉民

喬公故址

敗垣荒逕草茸茸云是喬公舊日蹤惟有雙溪環碧玉
猶疑二女照清容鏡臺夜掩淒涼月眉黛春橫遠近峰

回首吳宮亦如此何須弔古恨重重

詩崖漱玉

詩客留題不記名模糊古剎讀難成陰陰崖石封苔色
滴滴溪泉作雨聲山月照來珠散亂林風吹度玉琮琤
望中便覺清人思何必臨流一濯纓

天柱晴雪

天柱巍峩霄漢間四時飛雪不曾乾凌空禪塔銀為頂
承露仙莖玉作盤影混晴雲同潔白色凝華月倚高寒

我來問俗過潛霍幾度前山攬轡看

吳塘曉度

吳塘一帶綠盈盈柳外頻聞喚度聲人立岸沙天欲曙
帆歸浦澈浪初平幾家籬落依桑柘千頃陂田雜稻杭
自古巨川須廣濟不知何處大舟橫

丹竈蒼烟

左慈丹竈有遺蹤裊裊蒼烟出碧松巖際虹光常不散
空中鶴馭已難逢隨風飄影林巒暝映日涵暉紫翠重

幾度停驂訪靈異居人造指最高峯

玄武湖

山勢周遭十里湖天開勝槩壯皇都畫船晴泛鷗波濶
玉鏡秋涵兔魄孤隔岸泉源通太液中央樓閣類蓬壺
隄邊駐馬看來久為愛澄清絕點污

天印山

化工陶鑄幾年成形勢端然似印平組綬影留河水繞
篆文色借嶺霞明尚餘仙跡遺丹井長捧祥雲拱帝城

攬轡都門凝望久數行飛鳥暮天清

大江

蒼茫西望渺無涯總是朝宗此地來蜀雪融添春水漲
楚帆飛送暮潮回四時蜃氣晴看雨兩岸濤聲夜聽雷
官渡經過殊可樂乘風衝破浪花堆

白鷺洲

江畔芳洲水勢分洲前屬玉自成羣聯拳芳草疑殘雪
接羽平沙似斷雲鷗鳥伴中同皜皜漁歌聲裏落紛紛

滿懷詩景收難盡浩蕩烟波靄夕曛

樂農卷

負郭生涯數畝田朝耕暮息興悠然門無胥吏催租稅
囊有兒孫趁社錢厨下晨炊翻白雪床頭春釀瀉紅泉
清時不是龐公隱鼓腹長歌大有年

江山勝覽卷

維揚有客思飄飄歷覽山川不憚遙巫峽秋濤雲夢雨
吳門夜月浙江潮北瞻燕冀天應近西渡潯函雪未消


到處幽奇看不盡更收餘興入詩歌

呈裕齋兄兼示弟侄

一自離家將十秋
庄山何日掃松楸
封章乞得天恩許
便買春風潞水舟

題扇寄葉與中都憲時贊軍竅外

同年蹤跡恨西東
遠意聊將一箴風
好似昔人揮白羽
坐令沙漠虜塵空



石倉歷代詩選卷三百五十八